

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Internal Affairs

**Broj: 01-11-4-5777-3**  
**Sarajevo, 13.02.2023. godine**

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i čl. 14. i 70. Zakona o javnim nabavkama BiH („Službeni glasnik Bosne i Hercegovine”, broj 39/14, 59/22) i preporuke Komisije za javne nabavke Ministarstva unutrašnjih poslova Kantona Sarajevo za 2022. godinu, imenovane Rješenjem broj 05-1-11-4-519 od 01.02.2022. godine, u postupku javne nabavke usluga održavanja mrežne infrastrukture za potrebe Ministarstva unutrašnjih poslova Kantona Sarajevo, ministar **d o n o s i**:

## **ODLUKU**

### **o izboru ponuđača za nabavku usluga održavanja mrežne infrastrukture za potrebe Ministarstva unutrašnjih poslova**

#### **I**

Na osnovu Odluke broj 01-11-4-5777 od 05.10.2022. godine i Obavještenja o nabavci broj 1364-1-2-93-3-65/22 od 08.12.2022.godine, proveden je otvoreni postupak sa namjerom zaključivanja okvirnog sporazuma na dvije godine s jednim ponuđačem za nabavku usluga održavanja mrežne infrastrukture za potrebe Ministarstva unutrašnjih poslova Kantona Sarajevo

Komisija je shodno Zakonu o javnim nabavkama BiH, primjenjujući kriterij "najniža cijena", dala preporuku da se donese Odluka o dodjeli ugovora sa zaključivanjem okvirnog sporazuma na dvije godine ponuđaču „KING ICT“ d.o.o. Sarajevo sa ponudom u iznosu od 13.680,00 KM bez PDV-a.

#### **II**

Po okončanju roka za žalbu, ugovorni organ će pozvati izabranog ponuđača radi zaključivanja okvirnog sporazuma i pojedinačnog ugovora o javnoj nabavci, kojim će se regulisati međusobna prava i obaveze.

#### **III**

Ova odluka stupa na snagu danom donošenja.

## **O b r a z l o ž e n j e**

Na osnovu Odluke o pokretanju postupka nabavke broj 01-11-4-5777 od 05.10.2022. godine i Obavještenja o nabavci broj 1364-1-2-93-3-65/22 od 08.12.2022. godine na portalu Agencije za javne nabavke objavljen je postupak nabavke usluga održavanja mrežne infrastrukture za potrebe Ministarstva unutrašnjih poslova Kantona Sarajevo (sukcesivna nabavka), putem otvorenog postupka. Za predmetni postupak predviđeno je zaključivanje okvirnog sporazuma na dvije godine.



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: [ministar@mup.ks.gov.ba](mailto:ministar@mup.ks.gov.ba)

U skladu sa gore navedenim Obavještenjem o nabavci, Komisija za javne nabavke Ministarstva je izvršila otvaranje prispjele ponude, dana 26.12.2022. godine, sa početkom u 14:00 sati, u gore navedenom sastavu, u prostorijama Sjedišta MUP-a Kantona Sarajevo, te izvršila i pregled i ocjenu prispjele ponude.

Zapisnik o otvaranju ponuda je dostavljen ponuđaču.

Tendersku dokumentaciju preuzelo je deset ponuđača. U postupku nabavke nije postavljeno niti jedno pitanje.

Pristigla je jedna ponuda, i to:

R.B.	Datum prijema	Vrijeme prijema	Ponuđač
1.	26.12.2022.	11:05	„KING ICT“ d.o.o. Sarajevo

Iz navedene tabele je vidljivo da je prispjela ponuda blagovremena jer je prema Obavještenju o nabavci krajnji rok za dostavu ponuda bio 19.12.2022. godine do 13:30 sati.

Dostavljena ponuda ima vrijednost 13.680,00 KM bez uključenog PDV-a.

Komisija je izvršila provjeru kvalifikacije ponuđača u skladu sa minimalnim zahtjevanim kvalifikacionim uslovima u tenderskoj dokumentaciji, koje ponuđač treba da ispunjava.


Komisija je izvršila kontrolu dostavljene dokumentacije, način uvezivanja ponuda, primjenu propisane forme dostavljenih dokumenata, validnost ponude, njen potpis i ovjeru, računsku kontrolu te je izvršen pregled i provjera drugih dokumenata i konstatovano je da je ponuda formalno-pravno ispravna.

S obzirom da je prispjela samo jedna ponuda nisu se stekli uslovi za zakazivanje e-aukcije.

Shodno utvrđenom činjeničnom stanju i kriteriju za dodjelu ugovora „najniža cijena“, a u skladu sa članom 70. Zakona o javnim nabavkama („Sl. glasnik BiH“ broj 39/14 i 59/22), Komisija jednoglasno daje preporuku ministru MUP-a KS da u postupku nabavke usluga za održavanje mrežne infrastrukture za potrebe Ministarstva unutrašnjih poslova Kantona Sarajevo, donese odluku o dodjeli okvirnog sporazuma na dvije godine, ponuđaču „KING ICT“ d.o.o. Sarajevo, u iznosu od 13.680,00 KM bez PDV-a.

#### **POUKA O PRAVNOM LIJEKU:**

Protiv ove odluke dopuštena je žalba koja se podnosi Ugovornom organu u roku od 10 (deset) dana od dana prijema Obavijesti, a u skladu sa čl. 99. i 101. Zakona o javnim nabavkama BiH.



#### **DOSTAVITI:**

1. Ponuđaču,
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću i
5. a/a.



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: [ministar@mup.ks.gov.ba](mailto:ministar@mup.ks.gov.ba)